

玉

海

九十四

玉海卷第一百九十一

浚儀王應麟伯厚甫

兵捷

兵捷 露布 二

唐左翊衛郎將俘車鼻可汗

高宗紀貞觀二十三年十一月乙丑左翊衛郎將

及傳

通鑑云右驍衛郎將

高侃伐突厥永徽元年六月侃及突厥戰

金山敗之九月癸卯俘車鼻可汗以獻 傳車鼻突

利部人名斛勃世爲小可汗薛延陀將殺之乃竄金

山之北三垂斗絕惟一面容車騎勝兵二萬自稱乙

注車鼻可汗距長安萬里延陀衰執益張貞觀二十
一年十一月遣子獻方物且請入朝帝遣將軍安調
遮郎將韓華迎之車鼻無入朝意華鬪死調遮被殺
帝怒二十三年遣偏發回紇僕骨兵擊之大酋長歌
邏祿等降永徽元年偏師至阿息山部落不肯戰車
鼻從數百騎走偏帥精騎追至金山獲之獻京師高
宗責曰罪當死然先帝獲酋長必宥之乃釋縛數俘
社廟見昭陵處其衆鬱督軍山建狼山都督府統之
其子羯漫陀降建新黎州使領其衆葛邏祿三族皆
內屬突厥盡爲封疆臣矣

唐左領軍將軍行軍總管破白水蠻

紀永徽二年八月己卯白水蠻寇邊左領軍將軍趙孝祖爲郎州道行軍總管以伐之十一月戰于羅犴候山敗之三年四月庚寅又敗之按南蠻傳有顯養東魯諸蠻永徽三年與胡叢皆叛以曹繼叔爲嶺州道行軍總管戰斜山拔十餘城斬首七百獲馬犂牛萬五千

唐伊麗道行軍大總管俘賀魯臨軒受

俘

紀永徽二年正月乙卯瑤池都督阿史那賀魯叛六

年五月癸未程知節爲葱山道行軍大總管以伐賀
魯顯慶元年八月辛丑程知節及賀魯戰敗之九月
癸未又敗之二年閏正月庚戌以右屯衛將軍蘇定
方爲伊麗道行軍總管以伐賀魯十二月丁巳蘇定
方敗賀魯于金牙山執之三年十一月甲午蘇定方
俘賀魯以獻 通鑑高宗顯慶二年蘇定方及西夷
厥沙鉢羅可汗至金山北擊處木昆部大破之其俟
斤嫩獨祿等帥萬餘帳來降定方撫之發其千騎與
俱右領軍郎將薛仁貴上言泥孰部素不伏賀魯爲
賀魯所破虜其妻子今唐兵有破賀魯諸部得泥孰

妻子者宜歸之仍加賜賚使彼明知賀魯爲賊而大唐爲之父母則人致其死不遺力矣泥孰喜請從軍共擊賀魯定方至曳咥河西沙鉢羅帥十姓兵十萬來拒戰定方唐兵及回紇萬餘人擊之沙鉢羅輕定方兵少直進圍之定方令步兵據南原攢稍外向自將騎兵陳於北原沙鉢羅大敗追奔三十里斬獲數萬人明日勒兵復進於是胡祿屋等五弩失畢悉衆來降沙鉢羅獨與處水昆屈律啜數百騎西走時阿史那步真出南道五咄陸部落聞沙鉢羅敗皆詣步真降定方乃命蕭嗣業回紇婆閏將胡兵趨邪羅斯

川追沙鉢羅定方與任雅相將新附之衆繼之會大雪平地二尺軍中咸請俟晴而行定方曰虜恃雪深謂我不能進必休息士馬亟追之可及若緩之彼遁逃浸遠不可復追省日兼功在此時矣乃蹋雪晝夜兼行所過收其部衆至雙河與阿史那彌射步眞兵合去沙鉢羅所居二百里布陣長驅徑至其牙帳沙鉢羅與其徒將獵定方掩其不備縱兵擊之斬獲數萬人得其鼓纛沙鉢羅與其子啞運媚閭啜等脫走趨石國定方於是息兵諸部各歸其所居通道路置郵驛掩骸骨問疾苦畫疆場復生業凡爲沙鉢羅所

掠者悉括還之十姓安堵如故乃命蕭嗣業將兵追沙鉢羅定方引軍還沙鉢羅至石國西北蘇咄城人馬饑乏遣人齎珍寶入城市馬城主伊沮達官詐具酒食出迎誘之入閉門執之送于石國蕭嗣業至石國石國人以沙鉢羅授之蘇定方傳從程知節征

賀魯至鷹娑川賀魯率精騎五百馳擣賊衆大潰擢定方伊麗道行軍總管復征賀魯以任雅相回紇婆潤爲副出金山北先擊處木昆部

云云同通鑑

賀魯奔石國爲所拘彌射子元爽以兵與嗣業會縛賀魯以還由是修亭障列蹊隧定疆畛問疾苦唐之

州縣極四海矣高宗臨軒定方戎服奉賀魯以獻策

功行賞 賀魯傳本西突厥黠密可汗五世孫也始

阿史那步真來歸國咄陸可汗以賀魯爲葉護代步

真居多邏斯川咄陸失國

貞觀十六年

乙毗射匱可汗以

兵迫逐賀魯無常居部多散亡有執舍地三種以賀

魯無罪往請可汗可汗怒欲誅之乃與三種內附

十二年

四年太宗優撫之累擢左驍衛大將軍瑤池都督

二十三年處其部於庭州莫賀城密招攜散廬幕益

衆帝方崩卽謀取西廷二州刺史駱弘義以聞

永徽二年

高宗令賀魯遣子咥運入宿衛帝遣還咥運卽勸賀

魯引而西取咄陸可汗故地建牙於雙河千泉自號
沙鉢羅可汗遂統咄陸弩失畢十姓以咄運爲莫賀
啜葉護寇廷州敗數縣殺掠數千人去高宗乃詔梁
建方契苾何力爲弓月道行軍總管與德逸薩孤吳
仁等討之然但能破處月永徽四年又以程知節爲
葱山道行軍大總管擊之斬獲雖衆亦未得其要領
至是乃遣定方爲伊麗道行軍大總管率衆窮討定
方以精騎至曳咥河西擊處木昆破之賀魯與十姓
兵十萬騎來拒定方以萬人破之俘斬三萬衆乘勝
逐北至賀魯牙二百里陣而行抵金牙山縱兵破其

王通卷一百九十一
牙俘數萬人賀魯跳度伊麗水定方追至碎葉水盡
奪其衆賀魯將奔之鼠耨沒至石國蘇咄城城主伊
涅達于迎之旣入拘送石國會蕭嗣業兵至取之乃
悉散諸部兵開道驛收露齒問人疾苦賀魯所掠悉
還之西域平高宗命執賀魯獻昭陵赦弗誅

唐沙磧道行軍總管破奚契丹

紀顯慶五年五月戊辰定襄都督阿史德樞賓爲總
管伐契丹十二月壬午及奚契丹戰敗之 通鑑四
月戊午樞賓及延陀梯眞李合珠並爲冷嶠道行軍
總管各將所部討叛奚奚降更以樞兵等出砂磧道

討契丹擒其松漠都督阿卜固獻東都 薛仁貴傳
與辛文陵破契丹于黑山執其王阿卜固獻東都

唐左驍衛大將軍安撫大使俘都曼 乾

陽殿受俘

紀顯慶四年十一月癸亥賀魯部悉結闕俟斤都曼
寇邊蘇定方爲安撫大使以伐之五年五月癸卯俘
都曼以獻 通鑑顯慶四年思結俟斤都曼帥疏勒
朱俱波竭槃陀三國反擊破于闐十一月癸亥以左
驍衛大將軍蘇定方爲安撫大使以討之蘇定方軍
至業葉水思結保馬頭川定方選精兵萬人騎三千

正馳往襲之一日一夜行三百里詰旦至城下都曼
敗退保其城及暮諸軍繼至遂圍之都曼懼而出降
五年春正月定方獻俘於乾陽殿法司請誅都曼定
方請曰臣許以不死故都曼出降願勾其餘生上曰
朕屈法以全卿之信乃免之葱嶺以西遂定

唐神𠂔道行軍大總管蘇定方俘百濟

紀顯慶五年三月辛亥右武衛大將軍蘇定方爲神
𠂔道行軍大總管新羅王金春秋爲嶠夷道行軍總
管率三將軍及新羅兵以伐百濟八月庚辰蘇定方
及百濟戰敗之十二月戊戌蘇定方俘百濟王以獻

通鑑顯慶五年百濟恃高麗之援數侵新羅新羅王春秋上表求救三月辛亥以左武衛大將軍蘇定方爲神丘道行軍大總管帥左驍騎將軍劉伯英等水陸十萬以伐百濟以春秋爲嶠夷道行軍總管將新羅之衆與之合勢八月定方引軍自成山濟海百濟據熊津江口以拒之定方進擊破之百濟死者數千人餘皆潰走定方水陸齊進直趨眞都城未至二十餘里百濟傾國來戰大破之殺萬餘人追奔入其郭百濟王義慈及太子隆逃北境定方進圍其城義慈次子泰自立爲王帥衆固守隆子文思曰王與太

子皆在而叔季擁兵自王借使能卻唐兵我父子必不全矣遂率左右踰城來降百姓皆從之泰不能止定方命軍士登城立幟泰窘迫開門請命於是義慈隆及諸城主皆降百濟故有五部分統三十七郡二百城七十六萬戶詔以其地置熊津等五都督府以其酋長爲都督刺史十一月戊戌朔上御則天門樓受百濟俘自其王義慈以下皆釋之蘇定方傳定

方爲神丘道大總管

定方名烈

率師討百濟自成山濟海

至熊津口賊瀕江屯兵定方出左涯乘山而陳與之戰賊敗死數千王師乘潮而上舳艫銜尾進鼓而譟

定方將步騎夾引直趨真都城賊傾國來酣戰攻之
殺虜萬人乘勝入其郛王義慈及太子隆北走定方
進圍其城義慈子泰自立爲王率衆固守義慈之孫
文思率左右縋城下人多從之泰不能止定方使士

登城建唐旗幟於是泰開門請命其將植與義慈降

隆及諸城送款百濟平俘義慈隆泰以獻

定方滅三國皆生執

其王

東夷傳百濟扶餘別種也濱海之陽直京師六

千里而羸武德四年其王扶餘璋遣使獻果下馬自
是朝貢高祖冊爲帶方郡王後五年訟高麗梗貢道
太宗貞觀初遣使平其怨又與新羅世仇數相侵帝

王通卷一百九十一
賜璽書令忘前怨璋奉表謝然亦兵不止再遣使入
朝上優勞之十五年璋死太宗冊其子義慈爲柱國
紹王其國明年與高麗連和伐新羅取四十餘城又
謀取党項城絕貢道新羅告急帝遣司農丞相里元
獎齋詔解諭之間帝親討高麗乃閒取新羅七城久
之又奪十餘城因不朝貢高宗立乃遣使來帝詔義
慈還新羅城永徽六年新羅訴高麗百濟靺鞨取北
境三十城顯慶五年乃詔左衛大將軍蘇定方率將
軍劉伯英馮士貴龐孝恭等發新羅兵討之自成山
濟海百濟守熊津口定方縱擊敗之王師乘潮帆以